

Reglugerð framkvæmdastjórnarinnar (ESB) 2018/1098

2020/EES/5/44

frá 2. ágúst 2018

um breytingu og leiðréttingu á III. viðauka við reglugerð Evrópuþingsins og ráðsins (EB) nr. 110/2008 um skilgreiningu, lýsingu, kynningu, merkingu og vernd landfræðilegra merkinga á brenndum drykkjum (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 110/2008 frá 15. janúar 2008 um skilgreiningu, lýsingu, kynningu, merkingu og vernd landfræðilegra merkinga á brenndum drykkjum og niðurfellingu á reglugerð ráðsins (EBE) nr. 1576/89 ⁽¹⁾, einkum 3. mgr. 20. gr. og 26. gr.,

og að teknu tilliti til eftirfarandi:

- 1) Samkvæmt 1. mgr. 20. gr. reglugerðar (EB) nr. 110/2008 áttu aðildarríkin að leggja fyrir framkvæmdastjórnina tækniskjal fyrir hverja gildandi landfræðilega merkingu sem skráð er í III. viðauka við reglugerð (EB) nr. 110/2008 eigi síðar en 20. febrúar 2015. Í kjölfar grannskoðunar á þessum tækniskjöllum skv. 9. gr. framkvæmdarreglugerð framkvæmdastjórnarinnar (ESB) nr. 716/2013 ⁽²⁾ þarf að breyta nokkrum landfræðilegum merkingum sem skráðar eru í III. viðauka við reglugerð (EB) nr. 110/2008 eða leiðréttá þær.
- 2) Frakkland lagði fram eitt tækniskjal fyrir landfræðilegu merkinguna „*Eau-de-vie de Cognac/Eau-de-vie des Charentes/Cognac*“. Þessi nöfn eru skráð í vöruflokki 4 „Brennt vín“ í III. viðauka við reglugerð (EB) nr. 110/2008 sem þrjár mismunandi landfræðilegar merkingar: „*Eau-de-vie de Cognac*“, „*Eau-de-vie des Charentes*“ og „*Cognac*“. Í kjölfar beiðni frá Frakklandi er nauðsynlegt að breyta III. viðauka við reglugerð (EB) nr. 110/2008 og skrá þessi þrjú heiti þannig að þau vísi aðeins til einnar vöru þar eð eitt einstakt tækniskjal hefur verið lagt fram með tilvísun til þeirra.
- 3) Að auki hefur Frakkland lagt fram fimm tækniskjöl fyrir eftirtaldar landfræðilegar merkingar: „*Eau-de-vie de Faugères*“, „*Marc du Bugey*“, „*Marc de Savoie*“, „*Marc de Provence*“, „*Marc du Languedoc*“. Þessi tækniskjöl vísa ekki til samsvarandi heitanna „*Faugères*“, „*Eau-de-vie de marc originaire de Bugey*“, „*Eau-de-vie de marc originaire de Savoie*“, „*Eau-de-vie de marc originaire de Provence*“ og „*Eau-de-vie de marc originaire du Languedoc*“, sem eru skráð í vöruflokki 4 „Brennt vín“ og 6 „Þrúguhratsbrennivín“ í III. viðauka við reglugerð (EB) nr. 110/2008 sem önnur heiti á þeim fimm landfræðilegu merkingum sem tækniskjöl hafa verið lögð fram fyrir. Í samræmi við 3. mgr. 20. gr. reglugerðar (EB) nr. 110/2008 ætti að fjarlægja gildandi landfræðilegar merkingar úr III. viðauka við reglugerðina ef engin tækniskjöl hafa verið lögð fyrir framkvæmdastjórnina vegna þeirra fyrir 20. febrúar 2015. Af þessum sökum ætti að fjarlægja þessi önnur heiti úr III. viðauka.
- 4) Grikkland lagði fram eitt tækniskjal fyrir landfræðilegu merkinguna „*Τσικουδιά/Tsikoudia/Tσίπουρο/Tsipouro*“. Þessi nöfn eru skráð í vöruflokki 6 „Þrúguhratsbrennivín“ í III. viðauka reglugerðar (EB) nr. 110/2008 sem tvær aðskildar landfræðilegar merkingar: „*Τσικουδιά/Tsikoudia*“ og „*Tσίπουρο/Tsipouro*“. Því er nauðsynlegt að breyta III. viðauka við reglugerð (EB) nr. 110/2008 og skrá þessi heiti þannig að þau vísi aðeins til einnar vöru þar eð eitt einstakt tækniskjal hefur verið lagt fram með tilvísun til þeirra.
- 5) Landfræðilega merkingin „*Grappa lombarda/Grappa di Lombardia*“ er skráð í vöruflokki 6 „Þrúguhratsbrennivín“ í III. viðauka við reglugerð (EB) nr. 110/2008. Vegna málfræðivillu er nauðsynlegt að leiðréttá heiti landfræðilegu merkingarinnar í „*Grappa lombarda/Grappa della Lombardia*“.
- 6) Landfræðilega merkingin „*Marc d'Alsace Gewürztraminer*“ er skráð í vöruflokki 6 „Þrúguhratsbrennivín“ í III. viðauka við reglugerð (EB) nr. 110/2008. Frönsk flokkun á vínþrúguyrkjum skv. 81. gr. reglugerðar Evrópuþingsins og ráðsins (ESB) nr. 1308/2013 ⁽³⁾ inniheldur heiti vínþrúguyrkisins „*Gewurztraminer*“ en ekki „*Gewürztraminer*“. Af þessum sökum þarf að leiðréttá heiti þessarar landfræðilegu merkingar í „*Marc d'Alsace Gewurztraminer*“.

(*) Þessi ESB-gerð birtist í Stjtfð. ESB L 197, 3.8.2018, bls. 7. Hennar var getið í ákvörðun sameiginlegu EES-nefndarinnar nr. 299/2019 frá 13. desember 2019 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjtfð. ESB L 39, 13.2.2008, bls. 16.

(2) Framkvæmdarreglugerð framkvæmdastjórnarinnar (ESB) nr. 716/2013 frá 25. júlí 2013 um reglur vegna beitingar reglugerðar Evrópuþingsins og ráðsins (EB) nr. 110/2008 um skilgreiningu, lýsingu, kynningu, merkingu og vernd landfræðilegra merkinga á brenndum drykkjum (Stjtfð. ESB L 201, 26.7.2013, bls. 21).

(3) Reglugerð Evrópuþingsins og ráðsins (ESB) nr. 1308/2013 frá 17. desember 2013 um sameiginlegt markaðskerfi fyrir landbúnaðarafurðir og um niðurfellingu á reglugerðum ráðsins (EBE) nr. 922/72, (EBE) nr. 234/79, (EB) nr. 1037/2001 og (EB) nr. 1234/2007 (Stjtfð. ESB L 347, 20.12.2013, bls. 671).

- 7) Landfræðilega merkingin „*Genièvre Flandres Artois*“ er skráð í vöruflokki 19 „Brenndir drykkir, bragðbættir með einiberjum“ í III. viðauka við reglugerð (EB) nr. 110/2008. Stafsetningarvillan hefur fundist í skráða heitinu og af þessum sökum þarf að leiðrétta heiti þessarar landfræðilegu merkingar í „*Genièvre Flandre Artois*“.
- 8) Landfræðilega merkingin „*Génépi des Alpes/Genepi degli Alpi*“ er skráð í vöruflokki 32 „Líkjör“ í III. viðauka við reglugerð (EB) nr. 110/2008. Vegna málfræðivillu er nauðsynlegt að leiðrétta heiti landfræðilegu merkingarinnar í „*Génépi des Alpes/Genepi delle Alpi*“.
- 9) Landfræðilega merkingin „*Irish Poteen/Irish Poitin*“ er skráð í vöruflokki „Aðrir brenndir drykkir“ í III. viðauka við reglugerð 110/2008 sem upprunnin á Írlandi. Nauðsynlegt er að skýra að sú landfræðilega merking nær einnig til samsvarandi vöru sem er framleidd á Norður-Írlandi.
- 10) Því ætti að breyta og leiðrétta reglugerð (EB) nr. 110/2008 til samræmis við það.
- 11) Til að gera rekstraraðilum kleift að nota merkimiða sem prentaðir voru í samræmi við ákvæði reglugerðar (EB) nr. 110/2008 eins og sú reglugerð var áður en henni var breytt og hún leiðrétt með þessari reglugerð, ætti að heimila setningu fyrirliggjandi birgða á markað.
- 12) Ráðstafanirnar, sem kveðið er á um í þessari reglugerð, eru í samræmi við álit nefndarinnar um brennda drykki.

SAMÞYKKT REGLUGERÐ ÞESSA:

1. gr.

Breyting á III. viðauka við reglugerð (EB) nr. 110/2008

Ákvæðum III. viðauka við reglugerð (EB) nr. 110/2008 er breytt í samræmi við I. viðauka við þessa reglugerð.

2. gr.

Leiðrétting á III. viðauka við reglugerð (EB) nr. 110/2008

Ákvæði III. viðauka við reglugerð (EB) nr. 110/2008 eru leiðrétt í samræmi við II. viðauka við þessa reglugerð.

3. gr.

Merkimiða, sem eru prentaðir fyrir gildistöku þessarar reglugerðar, má nota áfram þar til þeir eru uppnir.

4. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 2. ágúst 2018.

Fyrir hönd framkvæmdastjórnarinnar,

Jean-Claude JUNCKER

forseti.

I. VIÐAUKI

Ákvæðum III. viðauka við reglugerð (EB) nr. 110/2008 er breytt sem hér segir:

- 1) í stað færslanna „*Eau-de-vie de Cognac*“ „*Eau-de-vie des Charentes*“ og „*Cognac*“ undir vöruflokki 4 „Brennt vín“ í öðrum dálki töflunnar komi færslan „*Eau-de-vie de Cognac/Eau-de-vie des Charentes/Cognac*“;
- 2) í stað færslunnar „*Eau-de-vie de Faugères/Faugères*“ undir vöruflokki 4 „Brennt vín“ í öðrum dálki töflunnar komi færslan „*Eau-de-vie de Faugères*“;
- 3) í stað færslanna „*Marc du Bugey/Eau-de-vie de marc originaire de Bugey*“, „*Marc de Savoie/Eau-de-vie de marc originaire de Savoie*“, „*Marc de Provence/Eau-de-vie de marc originaire de Provence*“ og „*Marc du Languedoc/Eau-de-vie de marc originaire du Languedoc*“ undir vöruflokki 6 „Þrúguhratsbrennivín“ í öðrum dálki töflunnar komi „*Marc du Bugey*“, „*Marc de Savoie*“, „*Marc de Provence*“ og „*Marc du Languedoc*“;
- 4) í stað færslanna „*Τσικουδιά/Tsikoudia*“ og „*Τσίπουρο/Tsipouro*“ undir vöruflokki 6 „Þrúguhratsbrennivín“ í öðrum dálki töflunnar komi „*Τσικουδιά/Tsikoudia/Τσίπουρο/Tsipouro*“;
- 5) í stað færslunnar „Írland“ í tengslum við „*Irish Poteen/Irish Poitín*“ undir vöruflokknum „Aðrir brenndir drykkir“ komi „Írland (*).“

(*) Landfræðilega merkingin „*Irish Poteen/Irish Poitín*“ nær yfir samsvarandi brenndan drykk sem er framleiddur á Írlandi og Norður-Írlandi.“

II. VIÐAUKI

Ákvæði III. viðauka við reglugerð (EB) nr. 110/2008 eru leiðrétt sem hér segir:

- 1) *í stað færslunnar „Grappa lombarda/Grappa di Lombardia“ undir vöruflokki 6 „Þrúguhratsbrennivín“ í öðrum dálki töflunnar komi „Grappa lombarda/Grappa della Lombardia“;*
 - 2) *í stað færslunnar „Marc d'Alsace Gewürztraminer“ undir vöruflokki 6 „Þrúguhratsbrennivín“ í öðrum dálki töflunnar komi „Marc d'Alsace Gewurztraminer“;*
 - 3) *í stað færslunnar „Genièvre Flandres Artois“ undir vöruflokki 19 „Brenndir drykkir, bragðbættir með einiberjum“ í öðrum dálki töflunnar komi „Genièvre Flandre Artois“;*
 - 4) *í stað færslunnar „Génépi des Alpes/Genepi degli Alpi“ undir vöruflokki 32 „Líkjör“ í öðrum dálki töflunnar komi „Génépi des Alpes/Genepi delle Alpi“.*
-